

欽定石渠寶笈三編

欽定石渠寶笈三編

圓明園雙鶴齋藏

列朝名人書畫

明陳嘉言端陽麗景

一軸

本朝臣工書畫

王武畫秋色

一軸

董邦達畫竹鴈朝煙

一軸

劉墉臨諸家書

一冊

10

11

明陳嘉言端陽麗景 一軸

本幅紙本縱四尺八寸六分橫一尺七寸八分設色畫一瓶貯石榴蜀葵蒲艾竹葉款端陽麗景

隸書


丁酉夏四月仿元人意陳嘉言鈐

印一孔彰

鑒藏寶璽

五璽

寶笈三編



王武畫秋色一軸

本幅絹本縱二尺九寸橫一尺六寸一分設
色畫紫薇秋葵海棠雁來紅各種秋色自題
雲壓秋城雨乍來蟲聲花影兩無猜畫成却
喜明斜日庭外秋容相對開忘菴武并題鈴
印三勤中王武吳趨

[illegible]

董邦達畫竹塢朝烟 一軸

本幅紙本縱五尺九寸五分橫二尺二寸五

分墨畫自題竹塢朝烟隸款臣董邦達敬繪

鈐印二臣邦達印染翰

軸內鈐

高宗純皇帝寶璽乾隆御覽之寶

鑒藏寶璽

五璽

寶笈三編

[illegible]

劉墉臨諸家書 一冊

本幅仿金粟牋本。摺裝八幅。皆縱九寸七分。橫一尺六分。法師情存慕道。追訪聖蹤。不憚劬勞。遠尋遺迹。然漢地衆生多造罪業。出家之輩亦多犯戒律。師可到向西國。取此經來。流傳漢土。弟子當示師文殊師利菩薩所在。僧將梵本入五臺山。一入山於今不出。志靜遂就三藏法師。誥受神呪。一無差失。仍更舊。

翻梵本勘校。所有脫錯。悉皆改定。至永昌元
年八月。於大敬愛寺。見西明寺上坐澄法師。
問其逗留。亦如前說。此經救援苦難。最不可
思議。故錄委曲。以傳未悟。唐王士則書。即
惠山泉煮茶。此泉何以珍。適與真茶遇。在物
兩稱絕。於予獨得趣。鮮香筋下雲。甘滑杯中
露。嘗能變俗骨。豈特湔塵慮。晝靜清風生。飄
蕭入庭樹。中含古人意。來者庶冥悟。書戴處。

士屋壁長岡隆雄來北邊勢到舍下方迴旋
三世白士猶醉眠山翁作善天應憐如彼發
源今流泉兒孫何數鴈焉然有起家者出其
間願翁壽考無窮年蔡襄詩帖近却作小
詞雖無柳七郎風味亦自是一家數日前獵
於郊外所獲頗多作得一闕令東州壯士抵
掌頓足而歌之吹笛擊鼓以為節頗壯觀也
軾臺榭如富貴時至則有草木如名節久

而後成東坡書於雪堂先生食飽無一事
散步逍遙自捫腹不問人家與僧舍拄杖敲
門看修竹子瞻蜀平天下大慶東兵當安
其理當早一辨也桓溫書軾李國主收桓黿
子帖意是征譙縱時書僕喜臨此帖人間當
有數百本也知有漢時講堂未知是漢何
帝時也知畫三皇五帝以來備有畫又精妙
甚可觀也彼有能畫者不欲因摹取可得不

信具示。此石軍書。東坡臨之。點畫未必皆似。然頗有逸少風氣。軾建陽崇安之間。有大山橫亘。峯巒特秀。予嘗結茅其巔。小平處。每當晴晝。白雲全入窓牖間。輒咫尺不可辨。嘗題小詩云。閒雲無四時。散漫此山谷。幸乏霖雨姿。何妨媚幽獨。下山累月。每竊諷此詩。未嘗不悵然自失。今見米公所為。左侯戲作橫卷。隱隱舊題詩處。如已見第三四峯間也。又

得尋覽諸名勝舊題。想象其人。益深歎息。溥

熙己亥中夏廿九日。新安朱熹仲晦父書於

江東道院。微月隊西嶺。爛然衆星光。明河

斜未落。斗柄低復昂。感此南北極。樞軸遙相

當。太一有常居。仰瞻獨煌煌。中天照四國。三

辰環侍旁。人心要如此。寂感無邊方。趙孟頫

書朱子感興詩。畫家以古人為師。未是了

手。當以天地為師。海外九州皆粉本也。余此

圖偶想及祝融峰下抵輿捫葛時便自一掃
而就連林人不覺獨樹衆乃奇偶過眉公山
莊閒窗信筆點綴秋意其昌柳十九仲矩
自共城來持大官米作飯食我且言百泉之
奇勝邀我卜鄰此心飄然已在太行之麓矣
十七日東坡居士書董其昌體迅飛鳧飄
忽若神凌波微步羅襪生塵動無常則若危
若安進止難期若往若還轉眄流精光潤玉

顏含詞未吐。氣若幽蘭華。容婀娜。令我忘餐。
洛神賦十三行補其昌。余得大姚村圖。乃
高尚書真蹟。烟雲澹蕩。格韻俱超。果非子久
山樵所能夢見也。為此圖以擬之。董其昌。
明月山銘。做柳誠懸竹亭標嶽。四面臨虛。山
危簷迴。葉落窗疏。看椽有笛。對樹無風。風生
石洞。雲出山根。霜朝唳鶴。秋夜鳴猿。堤梁似
堦。野路疑村。船橫埭下。樹挾津門。寧殊華蓋。

詎識桃源董其昌款臣劉墉敬臨鈴印二

臣劉墉

鑑藏寶璽全五璽寶笈三編

[illegible]

欽定石渠寶笈三編

圓明園安瀾園藏

皇上御筆

書馮宿賦

一冊
丁卯

書朱子詩

一冊
丁卯

本朝臣工書畫

于敏中書

高宗純皇帝御製用庾信詠畫屏風二十四首元韻

詩一冊

胡高望書

高宗純皇帝御製安瀾園十詠

一冊

胡高望書

高宗純皇帝御製再題安瀾園十詠

一冊

董誥畫名花十友圖

一冊


董誥畫名花十客圖

一冊

英和書

御製五臺讚並圖

一卷



御書馮宿賦 一冊

本幅金粟牋本。摺裝四幅。皆縱二寸四分。橫三寸六分。

御筆楷書並識。

炳爾昭煥。朗然澄澈。可愛之德。已聞左氏之經。如履之心。更憶詩人之說。即合體而光輝。且負暄而昭晰。全嗤嶺北之梅。詎比墻陰之雪。美其林烟。早晴。寰宇淒清。池有水兮冰合。

天無雲兮日明凝陰尚積暖氣漸盈淋漓兮
向陽和而未泮皎潔兮覩津潤之將生

馮宿初日照冰池賦丁卯仲冬月中浣御筆
寶二嘉慶

鑒藏寶璽寶笈三編石渠寶笈所藏

御書朱子詩 一冊

本幅仿金粟箋本摺裝四幅皆縱四寸九分
橫九寸七分

御筆楷書並識

崑崙大無外旁薄下深廣陰陽無停機寒暑
互來徃皇羲古神聖妙契一俯仰不待窺馬
圖人文已宣朗渾然一理貫昭晰非象罔珍
重無極翁為我重指掌放勲始欽明南面

亦恭已大哉精一傳萬世立人紀猗歟歎日
躋穆穆歌敬止戒藝光武烈待旦起周禮恭
惟千載心秋月照寒水魯叟何常師刪述存
聖軌吾聞包犧氏爰初闢乾坤乾行配天
德坤布協地文仰觀元渾周一息萬里奔俯
察方儀靜隤然千古存悟彼立象意契此入
德門勤行當不息敬守思彌敦元亨播羣
品利貞固靈根非誠諒無有五性實斯存世

人逞私見鑿智道彌昏。豈若林居子幽探萬
化原。

宋朱子詩。丁卯仲冬月御筆鈐寶。二嘉慶

鑒藏寶璽寶笈三編。石渠寶笈所藏。

于敏中書

高宗純皇帝御製用庾信詠畫屏風二十四首元韻

詩一冊

本幅紙本推蓬裝八幅皆縱三寸六分橫三寸五分行楷書

御製用庾信詠畫屏風二十四首元韻即效其體

有序

前已恭載

後跋

皇上涵茹英華上規南雅下仿漢唐以來章什莫不
超越前蹤茲擬庾信詠畫屏廿四首化工肖
物槩度天成與前效秋日新月諸篇同昭雲
倬夫信當齊梁綺靡出以清新較為錚佼仰
茲

天筆雄渾區區宮體奚足取象椎輪彼陸機江淹輩
句樞字微更無足比數矣臣口沫手胝詠歌
不足謹書成冊以誌欽佩臣于敏中敬書恭

跋鈐印二臣中

鑒藏寶璽

全五璽

寶笈三編

[illegible]

胡高望書

高宗純皇帝御製安瀾園十詠 一冊

本幅仿金粟箋本摺裝十五幅皆縱四寸四分橫五寸二分楷書

御製安瀾園十詠

肅經館入園門樸室三間背倚峯屏右臨池鏡願
曰肅經不減陳氏藏書樓也絙年默記復潛神那
擬班家戲答賓枕藉亦非耽博古欲推實政善安

民 四宜書屋為圓明園四十景之一因歲久脩葺略為更置宛然鹽官安瀾園

皇考御額在焉春夏秋冬無不宜所宜樂總讀書時
何須千里鹽官憶即景吾方勉近思 無邊風月
之閣界域有邊風月則無邊輕拂朗照中吾不知
為在御園在海寧矣月藉清風搖籟影風邀明月
奏琅音三千界外三千界蹤跡無邊那可尋 涵
秋堂西臨長河波光翻影動搖楣栢間坐此可悟

南華堂襟西向額涵秋金水相生厥有由不論何時此偶坐總如爽氣面前浮遠秀山房房築假山上而遠納西山秀色所謂全賓全主近低微遠見遙高峯側嶺橫翠莫韜此即泰山一指喻重華明目為去聲斯勞染霞樓名曰染霞而實近水每來常愛坐此池上層樓敞紫甍水中樓影亦含清自知不是餐霞侶孤負橫楣浪與名綠帷舫曲廊宛轉構水上偶一憑檻煙水在襟袖間何必真

舫臨水何妨。卽舫之成陰樹是綠油帷。了無逐浪
為行止。那有隨風作轉移。飛睇亭一峯秀拔。亭

據其上。每當縱望。園外稻塍千頃。皆在目中。直與
農夫田父共較雨量晴矣。低俯鱗塍迴據山。犁雲
鋤雨。繪民艱。問應飛睇於何處。只在隅園咫尺間。

煙月清真樓。四宜書屋之後。延樓高敞。不施厨
障。為納煙月契神處。又似在陳氏竹堂月閣間。一
輪古月真無匹。幾縷空煙清莫加。朗照輕籠寥廓

表便成句亦謝雕華

采芳洲是芳皆可采不必

學楚騷注意蘭荃澄波之上敞軒臨蕝蕝芊芊滿

碧淥是蔡文殊胥命采此芳寧向楚騷尋再題

安瀾園十詠疊舊作韻昨經館締几繩牀足淨神

常陪石友與龍賓安瀾原寫隅園概遐想因之憶

浙民四宜書屠四宜即景問何宜雨後園林首

夏時樹有清陰鋪靜觀去聲花多和氣入閑思無

邊風月之閑月上松梢惟淨色風來竹裏是清音

剝塵徧滿無邊趣。祇在尋常咫尺尋。涵秋堂南
華對水便成秋。詎必金韃問所由。最愛空澄人影
處。西山常在檻脣浮。遠秀山房園山因迴屋為
高。照自遠含秀內韜。坐捲珠簾閒攬結。幾曾
覺微勞。染霞樓書樓近水聳飛甍。映帶煙霞上
下清。設擬畫圖還覺勝。寫來不定一家名。綠
舫紅葉休稱杜牧之。綠陰借與舫為帷。一般
青蕩。那論舟行與岸移。飛禊亭西杜少陵。

假山樸成不費斲雕艱。偶然陟步憑虛楫。雨笠風
蓑指顧間。煙月清真樓。月色煙容太古友。無雙
品格更誰加。寄言搦管為文者。領取清真謝藻華。
采芳洲。三架疏軒碧水臨。青蒲白芷滿沙溇。其
中亦有芳堪采。豈必定從九畹尋。

冊內鈐

寶璽

古希天子。

鑒藏寶璽

全五

璽

寶笈三編

胡高望書

高宗純皇帝御製再題安瀾園十詠一冊

本幅紙本摺裝十六幅皆縱四寸四分橫五寸一分楷書

御製再題安瀾園十詠 莊經館竹素芸香足渥情

每來輒憶舊窗橫雖然經史斯枕莊何有坐言與
起行 四宜書屋物物生機色色新今來又似獨
宜春義經妙趣分明是仁知去聲下同見殊謂知仁

無邊風月之閣風自清然月朗然大千世界共無
邊如何高閣當獨占去聲思與平分付一篇涵秋

堂有水澄空有竹簫四時秋意滿軒寮安瀾設以
陳園擬八月何當看海潮遠秀山房山房西向

見西山爽氣西山襟袖間却惱白雲似相妒幾重
藏住黛螺鬟染霞樓樸斲書樓綠水涯高低翠
邏復青遮朝嵐夕靄常相染丹艸非關浪擬霞
綠帷舫宛轉迴廊池上披狀如畫舫岸前維過來

風日將炎熱。新葉恰齊張。綠帷飛睇亭。一朵芙蓉四柱孤。遐觀近攬總成圖。鹽官飛睇非遊水。週日塘沙漲也無。煙月清真樓。籠來碧宇三春淡。照徹大千萬古新。恰與摘文示表的。不於綺麗在清真。采芳洲。陸華水卉向時榮。池上虛軒坐俯清。設以楚騷顧名義。恐防亦有惻王明。再題安瀾園十景。昨經館士不通經。豈足用。雖然當亦異書生。三謨二典無多語。披對能忘愧怍情。四宜

書辱四宜端為

去聲

四時宜首序為

平聲

春正此時乾

德為元稱善長

上聲

體仁益覺疊於斯

無邊風月

之閣月是新圓風是初一年風月此權輿無邊佳

景源源至高閣空空納有餘涵秋掌借云春至

那辭秋祇有溪堂過不留雖是不留原不去涵之

以水鏡光浮遠秀山房秀挹西山列若眉峯姿

嶺態攬多奇云何見遠無俯美喜是千林未葉時

染霞樓霞映橫樓樓映水一般紅影漾東風齊

飛未見天邊驚漫擬滕王作序同綠帷舫臨水

為齋偏學舫水流何異木蘭移薄寒愛近曦窗坐

不藉隄楊展綠帷飛睇亭亭臨牆外見鱗塍此

際農功尚未興因照田蠶何不可遠村人鬧上元

鐙煙月清真樓春煙澹沲春月新碧落無塵有

淨因試問拈毫邈然者外斯誰得號清真采芳

洲此安瀾學彼安瀾壬午南巡閱海塘嘗駐海寧陳氏隅園賜名曰安瀾尋於

御園就景之相近者規仿洲渚寧綠圖美觀撫景

為之即以顏額

詳見記中

却教繾遠念。邇來可得漲沙寬。再題安瀾園十

詠。薜經館開館明窗靜且便。展芸編足致精研。固

因績學緬李揆。却是尊聞何有焉。四宜書屋四

季都宜春更宜。玉輪將滿未盈時。銀花不夜何曾

謝。芸簡當宵耐可披。無邊風月之闌風月清暉

詎有涯。安瀾小築肖陳家。如因憶到海寧縣。此際

欣看照漲沙。海塘北岸沙漲則工程完固近據撫臣月報海寧城東四里橋一帶沙勢

較前涵秋堂堂下冰光凍未開。不波一例淨無

增漲

埃當春莫漫言秋。可。可。識秋從春去來。遠秀山

房戶對西山。遠。畢延橫屏展處。秀無邊。何當積素
皴高下。心企占年汜勝篇。染霞樓。霞不就樓樓

染霞樓。因霞染亦非差。誰能誰所。誰能所。剝盡蕉
芽。那是芽。綠帷舫舫以冰。凝未可航。惟遲葉佈

亦艱張。却因憑檻生清會。舫意惟陰趣正長。飛

睇亭。雖是假山。頗葉歲冠峯亭子。暢吟哦。隅園設
使飛遙睇。彼處民風溫飽麼。煙月清真樓。新月

輕煙會碧虛清無比處是真如西樓今夜仍嘉夜
却笑燈花落緒餘采芳洲敞軒階下俯冰池綠
意紅情發尚遲莫道空來無可采要知芳本釀於
斯款臣胡高望敬書鈐印二臣高望

冊內鈐

寶璽乾隆御覽之寶

鑒藏寶璽五璽寶笈三編

董誥畫名花十友圖 一冊

本幅紙本。摺裝十幅。皆縱八寸一分。橫九寸七分。設色畫花卉十種。各有楷書標題。一梅花清友。二海棠名友。三芍藥艷友。四瑞香殊友。五茶蘼韻友。六梔子禪友。七荷花淨友。八茉莉雅友。九桂花仙友。十菊花壽友。款臣董誥恭畫。鈐印二。臣誥。

御筆分題楷書

暗香疎影隔寒林。粉萼紅粧闌淺深。端伯品題
結物外。忘形清友是知心。冶容鮮媚應春榮。
交友詩壇最擅名。標格超然異凡俗。倚闌亭北
態輕盈。翻艷當階婪尾春。調和鉛粉添鮮新。
妝成寶髻金闈友。綽約芳姿不受塵。葉厚條
柔雲錦敷濃薰。百合細凝酥。紫雲拆甲含朝露。
夢裏聞香色相殊。甘讓羣芳最晚開。柔枝輕
點雪葩皚。天香無迹多幽韻。鏤粉雕瓊妙剪裁。

蒼筤霏香鼻觀通妙因參透色還空託根清
淨真禪友六出銀葩雪影融出汙不染根清
潔碧葢朱華立水潯香遠態幽標淨植神交遙
浦有同心繁葉層層護弱莖鬢華雅馥散瓊
英團珠刻玉品幽秀穠韻清光四照盈盤根
蟾窟麗秋宵馥郁天香雲外飄擬步玉京探逸
韻廣寒仙友待招邀菊花獨殿衆芳後晚節
凌霜吐淨妍駐景寒秋宜壽友餐英悅性永延

年丁卯孟冬御題分鈐寶嘉慶二重會心不遠三

德充符三幾暇怡情二得佳趣二重

鑒藏寶璽

五全璽

寶笈三編嘉慶御覽之寶茂對時

育萬物

董誥畫名花十客圖

一冊

本幅紙本。摺裝十幅。皆縱八寸一分。橫九寸七分。設色畫花卉十種。各有楷書標題。一牡丹貴客。二蘭花幽客。三丁香素客。四梨花淡客。五木筆書客。六木槿時客。七葵花忠客。八菖蒲隱客。九杜鵑山客。十臘梅寒客。款。臣董誥恭畫。鈐印二。臣誥。

御筆分題楷書

姚黃魏紫絢韶光。百五春深。艷洛陽。富麗高標。
衆香國。玉堂貴客。冠羣芳。一幹一花。舒九畹。
光風細轉。馥清幽。猗猗含秀。來空谷。君子同心。
臭味投。紫萼紛敷。春院深。瑤英層疊。點輕陰。
韶華九十多。繁艷素客。允宜結素心。琪英縹
蒂。映冰肌。春盎瀛洲。玉雨滋。琢粉凝香。一枝雪。
淡妝獨立。影輕移。辛夷花發。仲春初。紫瓣重
重。帶露舒。卉譜剪裁。揮木筆。彩毫入夢。向空書。

葉碧花丹映曉曦朝開暮斂最知時榮枯漫
感如晨露永駐舜華粉墨池翠幹高擎黃玉
盤細攢芳蕊結團圞花中上品推忠客向日長
舒一寸丹玉衡光結具靈根翠羽紛披茂草
原九節挺生性高潔不同凡卉植芳園芳葩
爛漫映山紅絕艷酣春露浥融巖壑清佳自絢
采幽姿肯傍綺羅叢耐寒吐艷發幽香金磬
指苞色正黃破臘先春報芳信化工戲剪衆蜂

房丁卯孟冬御題分鈐寶幾暇怡情四重得佳趣

四重會心不遠三重德充符三重嘉慶

鑒藏寶璽

五璽

寶笈三編嘉慶御覽之寶茂對時

育萬物

英和書

御製五臺讚并圖 一卷

本幅絹本分五幅皆縱九寸五分橫二尺二寸五分設色畫五臺圖每幅隔水楷書

御製五臺讚

文前已恭載

後跋

臣謹案蔡愔西使印度東來清涼山實為象教之初枕真如之首路翻譯大論云佛者窮

理盡性大覺之稱也。則儒釋宗教雖別而拯
民濟世之旨未嘗或殊我。

皇上道光慧鏡心蘊智珠涓吉祇謁靈山為民祈
福。

御製五臺讚。密敷妙蹟真契圓通。臣恭繹東臺讚
云佛法王道原無異同。徹儒釋之元功。彙天
人之奧旨。所以即心是佛。見道於文。示諸法
於濟度之門。躋一世於仁壽之域。洵足以苞。

六經精義括三乘微言矣。臣頌誦捧持曷勝
欽抃悅服之至。臣英和拜手稽首恭跋鈐印
二臣和。

鑒藏寶璽五璽寶笈三編

欽定石渠寶笈三編

圓明園皆春閣藏

本朝臣工書畫

錢陳羣書

高宗純皇帝御製擬古詩 一冊

錢陳羣書

高宗純皇帝御製趙北口行宮觀燈聯句 一冊

董誥畫山水 一冊

錢陳羣書

高宗純皇帝御製擬古詩一冊

本幅素綾本。摺裝十八幅。皆縱六寸。橫七寸七分。行書。

御製擬古詩

有序俱見續編

後跋

古詩直接三百篇。專指五言言之。聲調體裁。與樂府迥別。昭明所選。雜以四言。頗來訾議。

兩漢至今人尊十九首。而得其正宗者。獨推陳思。後來諸大家。豪雋挺拔。代有奇才。終是出藍耳。

御製擬古詩。如無縫天衣。不可以鍼縷襞績求之。渾厚和澹。不事雕飾。自見高華。朱子論詩。謂當本之二南。參之列國。正之於雅。和之於頌。仰見

睿學高深。於古詩源流。精晰明辨。後三百篇。獨標正

始以神遇不以形遇彼以詞致聲調自多者
視此奚啻河漢乾隆十七年七月朔臣錢陳
羣敬書并識鈐印三臣羣敬

聖人之情見乎辭。

冊內分鈐

寶璽乾隆御覽之寶乾隆鑒賞。

鑒藏寶璽

全五璽

寶笈三編

錢陳羣書

高宗純皇帝御製趙北口行宮觀燈聯句一冊

本幅紙本摺裝十四幅皆縱六寸橫七寸九分行書

趙北口行宮觀燈同扈蹕儒臣聯句

御製上元行慶奉

慈帷節物承

歡是處宜東海乍看擁寶甃

西崑恰值敞

瑤池野舍瑞氣融晴雪。樹挹芳煙散晚炊。蹕路駕鸞

皆吐耀

臣蔣溥

和門草木總含滋。祥凝野色浮

三島香泛春風達九遠。曲渚鴈回聞遠響。

臣汪

敦由

御製新漪魚陟動流斯。萬民同樂聊云可。大吏鋪觀太

爾為于為寧忘歌即景

柏梁且喜譔成詩。卿雲馥郁當樓護。寫尾咸

粧拂鏡窺雙楔霞標湖畔握臣秦惠田三橋虹影

坐間垂光收月窟應無敵捷奏天山信有斯

煜煜金床函舍利臣劉綸

御製

晶晶玉宇界琉璃候臨解凍陳冰戲輪到元宵碾

漢遲一綫紫煙輝萬象

半空碧彩漾全規青猊白象環

仙闕西漆南油燦

御墀妙靄繽紛蹲爵馬臣介福迴波宛轉躍蛟螭風前

製師

蛾鬧爭呈幻。淵底驪眠獨探奇。詎藉廣陵推

法善

臣夢麟

頻令潛室起馮夷。燕南趙北春猶淺。越角吳根景
遞披。列缺旋鞭龍啟蟄。

伶倫叶律鳳來儀。高檠菡萏旋搖日。密炬

離宮遠殿海藏迸開珠百琲。

臣錢維城

湘簾紛綴

錦千絲。燭銜暘谷炎官繖。陣列昆陽赤羽麾。

激電疑投玉女箭。

臣錢汝誠

御製

羅星似布井公綦鰲山蜃閣光無定瓊樹珠林影
倒移糕釘玉染頰列席

果分丹荔佐行庖仙莊例放金吾禁良夕還

紆銅漏期宴是傳柑猶隔昔

臣蔣溥

花非剪綵

寔先時湧來多寶定光塔採獻長生威喜芝

洒地螢流囊熠燿

臣汪由敦

御製

拏雲虬走甲之而漁村蟹舍皆呈照下里陽阿許

共嬉茅屋寧無向隅者

衡尊不啻與斟之觀。鋪咸快昌辰洽。給復頻邀。

沛澤施化。浹華胥多壽考。

臣秦惠田

歡騰瀛鄭舞童兒早

聽菱鏡蜚嘉語。幸擘桃牋繼

睿詞。三五韶華酬勝賞。

臣劉綸

御製十千豐稔樂嘉師。紙簽粉米羣徵吉。江硯宣毫共

選辭。真見文昌輝八座。

同欽

華蓋煥重離纖條解聽遊清沼樾馬無喧立絳旗

瑟吹笙鳴樂愷

臣介福

依蒲在沼荷

恩私唐昌萼蕊寧方此宣德神仙詎較茲偏插柳條

沿楚岸

臣夢麟

御製待催梅信過江湄律迴泰谷方彌月鷄路金蓮後

萬枝帝里輜軒應慕擾

皇衢燈火相訖虎松盆戶戶燒蘭會竹塹人人闌酒

持閣上青藜明綈案

臣錢維城

陌頭白粥賽田祠

無邊好景迎年麗有脚陽春傍

輦隨虞陛揮絃仰

庸

作臣錢汝誠

御製周庭燃燎問何其篆成翠火

鴻禧祝簪集華茵燕喜追好樂無荒昭古訓惟應保

泰日孜孜款臣錢陳羣敬書鈐印三元音臣羣

敬臣既敬書

全章復依韻恭和如左恭和

皇上駐趙北口行宮觀燈同扈

蹕儒臣聯句七言排律五十韻
首春巡路駐

行帷恭奉

慈寧恰四宜。澤沛普天先玉甸。樂陳廣陌譜咸池。蘆

芽寒凝

去聲

呈新坼。水面晴浮散遠炊。漢轉春

星多煥彩。月臨霽雪似含滋。霏霏睡鴨迴香

篆。肅肅征鴻振漸遶。紫殿風微傳晚漏。紅橋

淀激聽流澌。上元協慶當行慶

聖化無為大有為在鎬

君臣方共樂。卷阿豈弟擬賡詩。輯圭虞牧爰周度。擊壤堯民亦許窺。齊起須臾千幻發。妙裁頃刻萬枝垂。由來乘令應如是。況為祈年正視斯。片片飛空金翡翠。行行挂定碧琉璃。煙含但覺雲容澹。萼吐翻嫌梅信遲。開闔諸名歸秘製。包羅萬象孕全規。忽排豁間神仙府。又現平鋪白玉墀。陸地能教騰水兕。風濶或可露

文螭偃師變換真同巧。赤壁煙灰未足奇。但
得囊探收遠勢。可堪膽落縛窮夷。鬚眉那肯
終包裏。肝腎何妨盡瀝披。祝嘏洞天多會集。
朝真香界識威儀。直看霞舉臨曾漢。旋見風
吹到近陂。紅豆拋翻飄點點。碧萼吐出綴絲
絲。工參造化春風剪。動合機宜上將麾。勁後
氣舒同晚萼。爭先神運似圍棋。綿延川嶽千
重疊。榮落春秋一瞥移。撒荔排場宜奏曲。頌

椒才思合行危翱翔自在疑無際索鑰通靈
豈定期間作八音多人聽却令四季可同時
比綿朶朶飛晴絮如顆熒熒連夜芝爛漫乘
春垂帖妥光華復旦慶乎而近畿水暖禽魚
樂福地年登婦子嬉萬姓尊親皆若此

一人胞與實同之蟬聯櫛比天然叶伴真優游自徧

施領袖班頭推內相

謂臣蔣濟臣步趨續尾

到家兒

臣子臣錢汝誠

序更信紙搜清句赴

亦與辱賜之列

節濡毫。妙詞。宵旰早塵真。

父母文章示訓感。

君師長嘉。恰值微燈會。德盛方能善樂辭。

用周子秧易通意

馬漏深聞踏踏。玉蟲焰落復離離。盈前倡和。

遊休謗。彪外森羅仁義旗。元夕太平原有象。

天家樂事本無私。安全生計行將及。奠定民居信在。

茲

年來

河派淤溢親聞諸險要處所

上念切民生方發帑興修葺加指

授

負曝迎

鑒辭浙右泊舟覓騎滯江湄

臣於月正二日自浙起程恭迎以乏騎少留却

上。仰瞻雲物心千里快靚春韶花萬枝時樂

飛鳴多覲睨

異物志有鳥名時樂其鳴云太平天下有道則見

信天

毛羽自託虎

水經沔陽鄭之問有鳥名信天

十分明月懷同

照一寸丹忱夙所持北地秧歌喧麥隴南鄉

社鼓動蠶祠六年前憶屬車後七字聯教珥

筆隨

十六年春臣忝扈從元夕奉勅聯句亦用七言排律體行近

天顏瞻霽意擬從

輦路仰溫其同風會見淳初返一道須於正始追為
語賜言拜手者日襄

聖德在孜孜臣錢陳羣恭

進鈐印三歌詠太平臣錢陳羣敬書

鑒藏寶璽

全五璽

寶笈三編

[illegible]


董誥畫山水一冊

本幅紙本。摺裝八幅。皆縱三寸八分。橫七寸五分。設色水墨相間。畫一春岫。二秋林。三江帆。四雲壑。五松磴。六水亭。七林屋。八溪橋。款臣董誥恭畫。鈐印二。臣誥。

鑒藏寶璽

五璽

寶笈三編



欽定石渠寶笈三編

圓明園耕雲堂藏

皇上御筆

謁明陵紀事

一冊
甲子

本朝臣工書畫

鍾期萬木重陰圖

一軸
車由

汪廷璣書

高宗純皇帝御製雲上於天解

一冊

劉墉書

御製古文 一冊

劉墉書

御製古今體詩 一冊

御筆謁明陵紀事一冊

本幅仿金粟牋本摺裝八幅皆縱四寸八分
橫九寸五分

御筆楷書

謁明陵紀事 明十三陵在昌平天壽山我朝
定鼎後代為保護申禁樵採恩禮之隆自古未
有。

皇考特發帑金一律修葺朕續承

遺志親來叩奠。徧瞻榱桷。式煥松栢。舒榮益欽。
聖德之無涯。彌凜守成之不易。殷鑒不遠。

天命靡常。惟日孜孜。猶恐有失。勤政實治世之大本。
怠荒實亡國之病源。可不慎其幾歟。夫明代諸
君。洪武永樂。皆大有為之主。中葉以後。荒淫失
德者鮮。亦無暴虐放恣諸弊。然其大病。則在於
不勤政。耽晏安。夫不勤政。則上不敬。

天下不愛民。人君為

天之子。不敬則為不孝。不孝之子。

天必降罰。人君為民之父。不愛則為不慈。不慈之父。
民必僭之。

天罰民僭。國事尚有為乎。前明亡於宦官。固不待言。
然深信不疑之故。亦由於怠惰偷安。不親朝政。
使此輩乘機弄權。而外廷臣工。君門萬里。抱忠
者。徒上彈章。僉士者。竟圖富貴。上下不交。遂成
傾否。不可救藥矣。嗚呼。明之亡。不亡於崇禎之

不振而亡於神宗之怠惰。天啟之愚騃。雖係流賊作亂而亡於宦寺之蒙蔽。蒙蔽之來。總由於君心不正。耽逸厭勞之君。始則明知蒙蔽而甘受。繼則入其術中而不覺矣。欲免臣下之蒙蔽。必先克勤政事。不自暇逸。宵小烏能施其伎倆哉。丹書曰。敬勝怠者吉。周公曰。君子所其無逸。古聖先賢孰不以是為亟。敬怠之幾。繫於治亂。勤惰之別。驗於安危。茲謁明陵。思及明亡之由。

由於君心之怠忽以致羣小乘機內外蒙蔽遂淪於敗予敬守

慈訓曷敢稍忽萬機之繁宵旰治理庶幾常承

天眷永保

天命以鞏固我大清億萬年丕丕基時以怠忽之戒為戒勤敬之心為心則政無闕失民隱上達予深信此理之不爽書之自警永綏我皇祚可期
乾隆之世敢不勉諸嘉慶甲子立夏日御筆鈐

寶二。嘉慶。

鑒藏寶璽寶笈三編。石渠寶笈所藏。


鍾期萬木重陰圖 一軸

本幅紙本縱四尺六寸橫一尺七寸淺設色
畫層嵐疊石衆木樛樛山房一人兀坐自題
萬木重陰鍾期鈐印三鍾期之印石農一印
漫漶

鑒藏寶璽

全五璽

寶笈三編



汪廷璵書

高宗純皇帝御製雲上於天解

一冊

本幅高麗牋本摺裝十二幅皆縱五寸一分

橫六寸一分楷書

御製雲上於天解

文見續編

後跋

臣聞天垂象聖人則之誠以天道遠而難知
惟與天合德之聖人始能以健行之本體通

消息於於穆之原而確然知其運行升降之
理當包義氏一畫開天其旨猶祕而未洩也
文周孔三聖人以垂象淵奧恐人之以私智
穿鑿而或失其本來於是作為象象諸傳以
剖晰義理歸之於正而其辭簡質後之說經
者不能通曉往往過求之於高深元妙而自
然之本旨反晦故自古言易者毋慮數千百
家而可取者十無一二也哉

皇上幾餘讀易以需之大象程子有雲氣蒸而上升
於天之語與卦體違戾不合

特製鴻篇發揮精蘊即天水之本體而合之於乾下

坎上之象不過因其自然之理而於易卦大
義及古今來渾蓋宣夜諸家之說無弗包括
折衷至當不另即六十四卦之象準此以推
皆可定以自然之理而一一得其所歸宿大
哉

聖言闊深廣博實能得義文周孔之本意而為千古
易解所未及自非以

開天明道之聖人垂覺世牖民之

至教又豈能言之精初若此不獨如葛洪輩者無所
復容其喙即宋之大儒亦均未足以窺測萬
一臣仰瞻

天藻循環維誦曷勝快觀悅服之至臣汪廷璵敬書
恭跋

冊內分鈐

寶璽乾隆御覽之寶

五福五代堂古稀天子寶。八徵耄念之寶。

鑒藏寶璽

全五璽寶笈三編

[illegible]

劉墉書

御製古文 一冊

本幅紙本。摺裝十六幅。皆縱二寸三分。橫五寸八分。楷書。

御製古文

春王正月說。春秋之作。聖人所以尊王室。明賞罰。為人君之金鑑。編年紀月。奉正朔。而列其條貫。故經云。春王正月。邱明作傳。所以註經。則

曰春王周正月。孔子當周之時。紀周之事。其編年奉周無疑。而邱明必註曰周之正月。何哉。所以闡後世之惑。可以釋然無疑。而後儒猶有執一偏之見。紛紛詳論。甚矣學者難明而易惑也。註家或以為周改月。兼改時者。或以為周改月不改時者。或以為周不改時兼不改月者。引經據典。紛如聚訟。吾則以本文斷之。夫夏建寅。商建丑。周建子。以成三統。周以天元。殷以地元。夏

以人元。以位三才。孔子以周人紀周事。必不改時王之正朔。後人以子月為冬。而曰春王正月。乃夫子加之。程子胡氏泥於冬之不可為春也。故有夏時冠周月之說。蔡氏以商元祀十二月。秦元年冬十月例之。故有改朔不起數之辨。不知春秋所書。皆本周正也。以傳證之。如僖公五年正月辛亥朔日南至。冬至必於子月。若行夏之時。則寅月豈有冬至之理。又昭公十有七年。

梓慎曰。火出於夏為三月。於商為四月。於周為五月。可為改時改月之明證。而改正朔易服色。乃時王之事。非孔子所能自主。其書春王正月。正所以尊周也。以經傳本文參考之。可為的據矣。或曰。周以子月為歲首。而經曰春。孔子既以子月為春。而又曰行夏之時。毋乃自相矛盾乎。余曰不然。周以子月為正月。所以合天道也。夏以寅月為歲首。所以順人情也。行夏時者。夫子

通論百王垂訓萬世春秋尊時王之正朔不書
冬而書春乃周之舊制非夫子改之亦非夫子
加之也春秋明一王之大統微亂臣賊子使諸
侯不敢祖天子大夫不敢祖諸侯所以尊王室
也尊王室而首脩天子之正朔吾知夫子必不
為矣聖人之書最為剴切而後儒推求過甚反
失夫子尊周之大旨與其雜引他書以釋春秋
固不若即春秋以釋春秋也知斯義者可以折

衷矣

幽雅幽頌說

甚矣讀書不可不詳解而亦未

能盡信也吾讀詩至幽風考鄭氏康成三分七

月之詩為風雅頌孔穎達因之至宋朱子疑鄭

氏之說而以楚茨以下四篇為幽雅載芟良耜

諸篇為幽頌其註楚茨也又以為述公卿有田

祿者力於農事以奉其宗廟之祭是則存二說

矣推朱子之意尚未敢信其必然按周禮籥章

掌土鼓。幽箏。中春晝擊土鼓。歆幽詩以逆暑。中
秋夜迎寒亦如之。凡國祈年於田祖。歆幽雅。擊
土鼓以樂田畯。國祭蜡。則歆幽頌。擊土鼓以息
老物。鄭康成箋。幽詩以應幽箏。分殆及公子同
歸。以上二章為幽風。十月穫稻。為此春酒。以介
眉壽。以上四章為幽雅。稱彼兕觥。萬壽無疆。以
上為幽頌。孔穎達疏之曰。述其政教之始。則為
幽風。述其政教之中。則為幽雅。述其政教之成。

則為幽頌。故一篇之內。備有風雅頌也。漢唐諸儒皆遵此說。而程子亦以為然。乃康成之註。周禮與其箋詩又不同。篇章之註曰。幽詩謂七月也。七月言寒暑之事。則首章流火。感發之類是也。又云。幽雅者。亦七月也。七月有于耜舉趾。饁彼南畝之事。則又以首章為幽雅也。又云。幽頌者。亦七月也。七月有獲稻釀酒。躋彼公堂。稱彼兕觥。萬壽無疆之事。是又以獲稻釀酒為幽頌。

矣。何一人之言自相參錯如是。雪山王氏曰：此
一詩而三用也。謂箏章之幽詩，以鼓鐘琴瑟之
聲合箏也。笙師吹竽笙塤，箏蕭篪篴管，各牘應
雅，以雅器之聲合箏也。眡瞭播鼗擊頌磬笙磬
以頌器之聲合箏也。此以七月全篇隨其音節
樂器吹之，以合於風雅頌。或曰：蓋本有是詩而
亡之。或謂楚茨大田甫田是幽之雅。思文臣工
噫嘻豐年載芟良耜諸篇是幽之頌。朱子謂數

說皆通而未敢必也。間嘗考之。若以楚茨諸篇為幽雅。思文諸篇為幽頌。則當別標其名。不應附於北山周頌也。夫周禮言吹幽。而甫田言琴瑟擊鼓。七月一章。周公陳稼穡之艱難。而豳年載芟良耜。皆言農事。似可通用。但無文以確證其為幽耳。鄭氏箋註自屬近古。然一章之詩。任意割裂。亦有未安。一家之解。詩禮異同。未為定論。若云隨時吹之以分音節。別為風雅頌。此說

尚覺近理故詳載諸說以備參考焉

款臣劉

墉敬書鈐印二臣墉

鑒藏寶璽

全五璽

寶笈三編

劉墉書

御製古今體詩一冊

本幅粉紅牋本摺裝十二幅皆縱二寸三分
橫五寸九分楷書

御製古今體詩

二月初十十一日好雨連宵清明寒食前好雨
散餘餘繼澤滋千畝釀膏潤大田

天心寧有已地力更無邊百穀生機暢群占豐稔年

習射分曹勤角射。花外樹麋侯武備承。

家法威聲仰

聖猷五正儀具舉。六藝圃堪游。乍聽鳴星鉞春來覺

手柔。恭和丙戌

御製題隆福寺行宮六詠元韻翠雲山房嶺表長松

結翠雲

行宮傑出氣氛氲。龍鱗捷獵凌霄漢。下視扶搖思
不羣。翠微室。老樹千尋嶺四圍。朱楹環瞰遠

山微春來風景尤增麗。不斷青蒼衆妙歸。碧
巘丹楓碧巘參天正色留。丹楓千樹出峯頭。不
須渲染米顛拜。盤礴神工筆暗投。天半舫畫
舫居然天半浮。豈緣春水作清遊。凌空寓意邀
宸顧。絕勝仙人竹葉舟。挹霞呌月西嶺明。霞東嶺
月坐探清賞各因時。挹來呌取都非幻。真境全
關造物為。翼然亭笠亭取義。記環滁山水之
間此庶乎。

宸翰標題照萬古。憑虛漫擬智仙徒。琴德最優王
道尚禮樂。聽政用八音。宮商具衆妙。蓄德惟瑤
琴。解愠歌南風。正聲夙所欽。安絃志和諧。雅操
非自今。一奏胎仙舞。再鼓鯨魚沉。猗蘭啟至聖。
平沙警栖禽。五曲歌既備。四善莊不淫。滄濤瀛
海嶼。夜雨巫山岑。子期終可見。相與樂愔愔。
齋宿書房典重。

祈年仰

聖誠齋居東壁近

乾清。春光駘蕩陽方泰。月影希微魄始生。望切
天膏占後甲。民歌

帝澤沛先庚。圖書率性參精密。默養心田慎滿盈。

花未全開月未圓。每從妙悟趣還賒。幾望冰輪
欲放花。玉蕊底須舒寶絡。銀盤誰擬補飛霞。色
空香雨心相映。目送層波面略遮。好待禁城三
五夜。廣寒金谷競清華。鈔詩獵餘檢新詩。應

題滿書笥。揮毫及時鈞。無復憂洪橋。即事境堪
娛。風露抒清思。三百緬古人。無邪存大意。陶詩
悅性情。因物以言志。微凹硯材良。墨瀋看濃華。
几淨窗益明。毛穎須新試。江上琴興高。秋天
宇清。蒼茫大江水。浩浩發元音。絲桐託興始。無
絃趣更超。流波理如是。好風蘋末生。披拂有涼
起。美人遲不來。悵望河之漢。一雁落平沙。餘霞
散遠沚。擬王維偶然作。十日不出門。雜花滿

芳樹遣興步東皋。去去芳洲路。性與魚鳥親。情
耽林壑趣。雲本無心生。我亦偶然遇。天光正沖
融。且莫等閑度。達人樂其真。難起烟霞痼。歸來
陟林扉。明滅夕陽渡。空江人語響。木落寒江
晚。蒼茫天水空。相思人不見。千里月明中。喚
渡聲傳遠。三湘接楚江。迢然清響答。漫泛洞庭
艤。寂寂三秋夜。寥寥兩地人。尋聲知是否。但
見暮烟痕。泉聲亂溪風。幽谷鎖迴溪。溪風拂

空碧泠泠出細泉。聲漱玲瓏石。清音本天然。盡
洗塵凡迹。浩浩萬籟虛。澄澄涼月白。新種竹
都活。種竹迎陽候。清陰半畝圓。嫩筠欣旭暖。紫
箨向風翻。耐此冰霜節。偏霑雨露恩。來年春信
早。又喜茁龍孫。舊栽花更妍。養花分宿雨。盡
是去年栽。又喜芳苞綻。重看細蕊開。寒烟籠故
葉。香霧惹閑苔。舊約尋春客。劉郎幾度來。款

臣
劉墉敬書
鈐印二
臣墉

鑑藏寶璽五璽寶笈三編

